

Shteti austriak vazhdon të mbështesë arsimin kosovar

# WUS-Austria lanson edhe pesë projekte për arsimin e lartë në Kosovë

Tri programe master që do të implementohen në Fakultetin Juridik, Filozofik dhe atë të Mjekësisë, projekti i zhvillimit të "kurrikullit plus", ai për zhvillimin e trurit, punësimi i një zyrtari në Rektorat që do të kujdeset për reformë dhe zhvillimin e kurrikullit në UP dhe "Rasti sfidues i Ballkanit", janë projektet në vlerë prej 833 mijë euro, të cilat u vlerësua se do të ofrojnë mbështetje përmbajtësore për procesin reformues në arsimin e lartë

## Besa Bytyçi


Shteti austriak do ta ndihmojë Kosovën, respektivisht Universitetin e Prishtinës (UP) edhe me pesë projekte në vlerë prej 833 mijë euro, të cilat do të ofrojnë mbështetje përmbajtësore për procesin reformues në arsimin e lartë në Kosovë.

Gjatë lansimit të këtyre projekte, i cili do të udhëhiqet nga WUS-Austria, ku morën pjesë edhe udhëhoqës të Universitetit dhe fakulteteve dhe financuesit e projektit, u tha se këto projekte janë një ndihmë e madhe për arsimin e lartë në vendin tonë dhe se këto mundësi duhet shfrytëzuar mirë.

But Dedaj, koordinator i programeve të WUS-it për Kosovë, tha se pesë projektet e planifikuara për UP-në janë të projektuara për tre vjetet e ardhshme dhe shpejtin ndihmën që Austria është duke dhënë përmes Agjencisë austriake të zhvillimit arsimor të lartë në Kosovë. "Kjo do të thotë mbështetje përmbajtësore për procesin reformues dhe sa më shpejt të bëhemi pjesë e arsimit të lartë evropian".

Në kuadër të këtyre pesë projekteve përshihet zhvillimi i tre master programeve të reja, për të cilat Rektorati ka vendosur që të implementohen në Fakultetin Juridik, Filozofik (në departamentet Shkencë Politike dhe Psikologji) dhe në atë të Mjekësisë.

"Programet master janë krejtësisht të reja dhe janë të orientuara nga tregu i punës", tha Dedaj, sipas të cilit kurrikulli për këto programe do të zhvillohet në bashkëpunim të ngushtë me universitetet austriake, ndërsa ato do të kenë nga 2-5 module që do të kenë 3-5 lëndë me 120 ose 60 kredi varësisht nëse fakulteti dëshir



ron të zhvillojë program një apo dy-ëçar.

Projekti i dytë është projekti i zhvillimit të "kurrikullit plus", në kuadër të së cilit do të mbështeten profesorët që zbatojnë lëndët e reja mësimore, apo aplikojnë metodologji të re shkencore në lëndët ekzistuese.

Sipas Dedajt, profesorët do të mbështeten financiarisht për honorare, do të mbështeten për vizita studimore jashtë dhe fakultetet do të kenë mundësi të bërjes së pajisjeve të nevojshme në vlerë deri në 10 mijë euro.

Projekti i tretë është ai për "zhvillimin e trurit", i cili tani më është i njohur në Kosovë, ku 50 profesorë të llojeve të ndryshme do të vijnë dhe të mbajnë cilësi të ligjeratave në Universitetin e Prishtinës. Profesorët e huaj kanë mundësi të vijnë për hulumtime shkencore në Kosovë dhe po ashtu do të ketë mundësi të jenë mentorë për ta udhëhequr punën e ndonjë kandidatit.

Projekti i katërt përfshin punësimin e një zyrtari në Rektorat që do të kujdeset për reformë dhe zhvillimin e kurrikullit në UP, ndërsa programi i pestë është "Rasti sfidues i Ballkanit", respektivisht "Rasti Sfidues i Kosovës", projekt ky që tani ka një vit që është zbatuar në vendin tonë.

Dedaj tha se këto projekte, përveç mbështetjes financiare, ndihmojnë edhe në rrejtësimin, lidhjen me universitetet evropiane, meqenëse profesorët mund të shkojnë jashtë një kohëzgjatje prej një javë dhe përmes qëndrimit jashtë të arrijnë të mbledhin materiale të njohësive për të zhvilluar lëndën e re mësimore.

Ndërkaq, udhëhoqësi i Zyrës Austriake për Zhvillim (e cila edhe e financon projektin), Andreas Fritz, tha me këtë rast se programi synon të sfidojë profesorët dhe studentët e UP-së me qasjet e avancuara në sistemin arsimor dhe në veçanti ballafaqimin me metodat e reja të mësimin.

Austria është edhe financuesi më i madh i projekteve në arsimin kosovar dhe Fritz tha se një nga arsyet më kryesore pse është zgjedhur Kosova për investime në arsim është fakti se projektet këtu janë implementuar me shumë sukses. "Ne dëshirojmë që ta avancojmë sa më shumë arsimin kosovar që të jetë i krahasueshëm me arsimin në vendet më të zhvilluara", u shpreh ai.

Në anën tjetër, Luan Ahma, prorektor për çështje akademike në UP, falënderoi shtetin austriak për ndihmën që i ka dhënë dhe po i jep arsimin kosovar dhe tha se projektet e tilla duhet të shfrytëzohen sa më shumë që të jetë e mundur.